

---

DE SUPERFICIE  
CONORVM SCALENORVM,  
ALIORVMQVE CORPORVM CONICORVM.

AUCTORE  
L. EVLERO.

§. I.

**Q**uamquam natura conorum a longo iam tempore Tab. I.  
ita est inuestigata, vt nihil praetermissum vide-  
atur, in quo laboraremus; tamen in dimetiendis  
conorum superficiebus vltra conos rectos, quorum axes  
ad bases sunt normales, non processerunt veteres. Ce-  
leb. Varignonius in Miscell. Societatis Regiae Berolinen-  
sis Continuatione II. argumentum hoc prorsus nouum  
primus tractauit, atque lineam curuam, cuius constru-  
ctio a quadratura circuli pendet, inuenit per cuius recti-  
ficationem area cuiusque coni scaleni assignari queat.  
Subiuncta autem huic dissertationi ibidem reperitur ad-  
ditio Magni Leibnizii, in qua idem negotium per recti-  
ficationem curuae algebraicae expeditur. Constructio hu-  
ius curuae eximium exemplum profundissimi Auctoris  
ingenii exhibet; verum inaduertentia Viri alias sagacis-  
simi in hanc solutionem sphalma quodpiam irrepsit,  
quod vti facile emendari potest, ita quoque praestantiae  
solutionis parum detrahit. Exprimit enim superficiem  
coni scaleni rectangulo ex linea recta magnitudine data

4 DE SUPERFICIE CONOR. SCALENOR.

in arcum lineae curvae, cuius constructionem exposuerat, cum iste arcus antea quantitate quapiam algebraica minui debuisset. Quamobrem operam meam non inutiliter mihi equidem collocasse videor, si primo superficiem conicalem scaleni ope rectificationis lineae algebraicae, ordinis sexti exhibuero, tum vero explanationem superficiei conoidalis cuiuscunque per lineam curuam algebraicam absoluero, simulque lapsum summi Leibnizii emendauero.

Fig. 1.

§. 2. Sit circulus  $AMB$  basis conici scaleni, cuius vertex in sublimi positus sit  $V$ . unde ad planum basis demittatur perpendicularum  $VD$ ; et ex puncto  $D$  per centrum basis  $C$  agatur recta  $DACB$ . Superficies igitur haec conica generatur, dum linea recta perpetuo per punctum  $V$  transiens circa peripheriam circuli  $AMB$  circumducitur, huiusque superficiei portio arcui  $AM$  respondens includetur arcu  $AM$  et binis rectis ex punctis  $A$  et  $M$  ad verticem  $V$  ductis. Huiusmodi portioni gibbae figuram planam aequalem inueniri oportet. Ponatur radius basis  $AC=BC=a$ . longitudo axis  $VC=f$  perpendicularum  $VD=b$ , et interuallum  $CD=c$ , ita ut sit  $ff=bb+cc$ . Hinc erit latus conici minimum  $VA=\sqrt{bb+cc-2ac+aa}$  et latus maximum  $VB=\sqrt{bb+cc+2ac+aa}$ . Sumto nunc arcu quocunque  $AM$ , ponatur angulus  $ACM=u$ , erit arcus  $AM=au$ ; eiusque elementum  $Mm=adu$ . Ducatur in puncto  $M$  tangens  $MQ$ , et ex  $D$  in eam ducatur perpendicularis  $DQ$ , erit recta  $VQ$  normalis in tangentem  $MQ$ . Quare si ductae concipiantur rectae  $VM$  et  $Vm$ , erit area trianguli  $MVm=\frac{1}{2}Mm \cdot VQ$ ; quae areola erit differentiale portionis superficiei conicae  $AVM$ , quam quaerimus.

§. 3

§. 3. Vt igitur longitudinem perpendicularis VQ inuestigemus, in radium CM, si opus est, productum ex D ducamus normalem DN, quae parallela erit et aequalis tangenti MQ, et propterea DQ=MN. Cum ergo in triangulo rectangulo DCN fit hypotenuſa CD=c et angulus DCN=u, erit CN=c cos u, hincque MN=DQ=c cos u-a. Iam quia triangulum VDQ ad D est rectangulum, erit VQ= $\sqrt{bb+cc \cos u^2-2acc \cos u+aa}$ ; ex quo area trianguli elementaris MVm erit  $=\frac{1}{2}Mm.VQ=\frac{1}{2}adu\sqrt{bb+(c \cos u-a)^2}$ . Quamobrem superficies conica AVM erit  $=\frac{1}{2}afdu\sqrt{bb+(c \cos u-a)^2}$ . Vnde perspicitur, si conus effet rectus, quo casu interuallum CD=c euanesceret, superficiem con<sup>i</sup> recti arcui AM respondentis fore  $=\frac{1}{2}afdu\sqrt{aa+bb}=\frac{1}{2}au\sqrt{aa+bb}$ . Aequaretur ergo areae trianguli, cuius basis =au= arcui AM et cuius altitudo sit  $=\sqrt{aa+bb}=VA$ : vti ex elementis constat.

§. 4. Ex aequatione AVM= $\frac{1}{2}afdu\sqrt{bb+(c \cos u-a)^2}$  statim fluit constructio curuae Varignonianae, per cuius rectificationem superficies conica exhiberi potest. Formetur enim inter coordinatas orthogonales p et q eiusmodi curua vt sit dp=bdu et dq=du(c cos u-a), erit elementum huius curuae =du $\sqrt{bb+(c \cos u-a)^2}$ . Hinc arcus istius curuae per  $\frac{1}{2}a$  multiplicatus praebebit rectangulum, cuius area aequalis erit superficiei conicae AVM. Erit ergo huius curuae abscissa p=bu= $\frac{VD \cdot AM}{AC}$ ; et applicata q=cfd u cos u-au=c sin u-au vnde abscissae p= $\frac{b}{a} \cdot AM$  respondebit applicata q=QM-AM quae

6 DE SUPERFICIE CONOR. SCALEN.

propterea curua ope rectificationis circuli facile constructur. Attendenti autem statim patebit hanc curuam eandem esse, quam Varignonius tradidit.

§. 5. Si hanc superficiem conicam per quadraturas curuarum exprimere velimus, id quidem infinitis modis tam per curuas algebraicas quam transcendentis sine vlllo negotio fieri posset. Verum iam pridem summi Geometrae constructiones problematum transcendentium quae fiant per rectificationes curuarum praecipue algebraicarum, illis quae per quadraturas efficiuntur, longe antetulerunt: cum facilius sit longitudinem cuiusque lineae curuae saltem proxime practice assignare, quam eius aream. Hanc ob causam eo tempore, quo ista quaestio in Miscellaneis Soc. Regiae est agitata Celeb. Varignonius non parum praestitisse merito est visus, quod explanationem superficiei conicae scalenae ad rectificationem lineae curvae reduceret, cuius constructio ope rectificationis circuli tam facile expediri possit. Maximi autem sine dubio esset aestimanda solutio Leibnizii, qua idem, quod Varignonius, per curuam algebraicam idque pro omnibus omnino superficiebus conicis praestitit, nisi ob errorem ante memoratum vsu careret. Nunc autem, postquam a Hermannò methodus latissime patens est inuenta quadraturas omnium curuarum ad rectificationes curuarum algebraicarum reuocandi, fere sine vlllo negotio scopus, quem Varignonius et Leibnizius sibi proposuerant, obtineri poterit.

§. 6. In hunc finem eliminemus ex formula inuenta  $\frac{1}{2}a \int du \sqrt{bb + (cc \cos u - a)^2}$  quantitatem transcendentem  $u$ , ponendo cosinum anguli  $u = z$ , ita vt, ducto ex  $M$  ad diame-

diametrum perpendiculo MP fit  $CP = dz$ , et  $MP = a$   
 $\sqrt{(1 - zz)}$ , erit  $du = \frac{-dz}{\sqrt{(1 - zz)}}$ , et superficies conica quaesita  
 $AVM = -\frac{1}{2} a \int \frac{dz \sqrt{(bb + (cz - a)^2)}}{\sqrt{(1 - zz)}}$ . Sit iam curvae algebraicae,  
 ope cuius rectificationis haec superficies mensurari  
 queat, abscissa  $= x$  et applicata  $= y$ , ponaturque  $dy = p dx$ ,  
 ut fit eius elementum  $= dx \sqrt{(1 + pp)}$ . Efficiendum  
 ergo est ut integratio  $\int dx \sqrt{(1 + pp)}$  ab integratione  
 formulae  $\int \frac{dz \sqrt{(bb + (cz - a)^2)}}{\sqrt{(1 - zz)}}$  pendeat. Primo autem requi-  
 ritur, ut  $\int p dx$  fiat quantitas algebraica; alioquin enim  
 curva non foret algebraica. Cum igitur fit  $\int p dx = px$   
 $-\int x dp$ , ponatur  $\int x dp = q$ , fietque  $x = \frac{dq}{dp}$  et  $y = \int p dx$   
 $= \frac{pdq}{dp} - q$ . Vocetur arcus istius curvae  $= s$ , et cum  
 fit  $s = \int dx \sqrt{(1 + pp)}$  fiet  $s = x \sqrt{(1 + pp)} - \int \frac{x p dp}{\sqrt{(1 + pp)}}$ ;  
 sicque rectificatio curvae ab integratione formulae  $\int \frac{x p dp}{\sqrt{(1 + pp)}}$   
 pendeat, quae formula ob  $x dp = dq$  abit in hanc  
 $\int \frac{p dq}{\sqrt{(1 + pp)}}$ , quae ulterius reducitur ad  $\frac{pq}{\sqrt{(1 + pp)}} - \int \frac{q dp}{(1 + pp)^{3/2}}$ ;  
 ita ut futurus fit arcus curvae  $s = \frac{dq \sqrt{(1 + pp)}}{dp} - \frac{pq}{\sqrt{(1 + pp)}} +$   
 $\int \frac{q dp}{(1 + pp)^{3/2}}$ . Statuatur nunc  $\int \frac{q dp}{(1 + pp)^{3/2}} = \int \frac{dz \sqrt{(bb + (cz - a)^2)}}{\sqrt{(1 - zz)}}$ ,  
 fietque  $q = \frac{dz(1 + pp)^{3/2} \sqrt{(bb + (cz - a)^2)}}{dp \sqrt{(1 - zz)}}$  vbi pro  $p$  functionem  
 quamcunque algebraicam ipsius  $z$  assumere licet. Quo fa-  
 cto erit  $q$  functio algebraica ipsius  $z$  cognita, ex ea-  
 que porro ipsae coordinatae curvae quaesitae  $x$  et  $y$  de-  
 finiuntur.

§. 7. Descripta ergo hac curva ope coordinatarum  
 $x = \frac{dq}{dp}$  et  $y = \frac{pdq}{dp} - q$ , si eius arcus vocetur  $= s$  ob  $s = \frac{dq \sqrt{(1 + pp)}}{dp}$   
 $= \frac{pq}{\sqrt{(1 + pp)}} + \int \frac{q dp}{(1 + pp)^{3/2}}$ , fiet formula nostra, ex qua  
 superficies

8 DE SUPERFICIE CONOR. SCALENOR.

superficiæ conicæ portio AVM determinatur  $\int \frac{dz\sqrt{(bb+(cz-a)^2)}}{\sqrt{(1-zz)}}$   
 $= s - \frac{dq\sqrt{(1+pp)}}{dp} + \frac{pq}{\sqrt{(1+pp)}} + \text{Const.}$  Quæ constans si  
 ita determinetur, vt posito  $z=0$ , ipsa formula euane-  
 scat, tum rectangulum  $\frac{1}{2}a(\int -\frac{dq\sqrt{(1+pp)}}{dp} + \frac{pq}{\sqrt{(1+pp)}} + \text{Const.})$   
 æquabitur portioni superficiæ conicæ EVM, posito  
 scilicet angulo ACE, recto.

§. 8. Ponamus, vt rem exemplo illustremus  
 $p = \frac{z}{\sqrt{(1-zz)}}$ , vt sit  $V(1+pp) = \frac{1}{\sqrt{(1-zz)}}$  et  $dp =$   
 $\frac{dz}{(1-zz)^{3/2}}$ ; erit  $q = \frac{\sqrt{(bb+(cz-a)^2)}}{\sqrt{(1-zz)}}$  et  $\frac{dq}{dp} = \frac{bbz+(c-a)z(cz-a)}{\sqrt{(bb+(cz-a)^2)}}$   
 $= x$  et  $y = \frac{(a(cz-a)-bb)\sqrt{(1-zz)}}{\sqrt{(bb+(cz-a)^2)}}$ : Hinc prodibit portio  
 superficiæ conicæ EVM  $= \frac{1}{2}a(s - \frac{c(cz-a)\sqrt{(1-zz)}}{\sqrt{(bb+(cz-a)^2)}} +$   
 Const.), si quidem hæc constans ita accipiatur, vt ista  
 formula euanescat posito  $z=0$ . Simili autem modo ali-  
 is quibuscunque valoribus pro  $p$  accipiendis innumerabi-  
 les aliae curuæ algebraicæ obtinebuntur, quarum rectifi-  
 catione portio superficiæ conicæ quæcunque in plano  
 exhiberi poterit.

§. 9. In huiusmodi autem lineis curuis non ipse ar-  
 cus superficiæ conicæ est proportionalis, sed eum perpetuo  
 quapiam quantitate algebraica vel augeri vel diminui oportet,  
 vt prodeat expressio superficiem conicam absolute  
 mensurans. Qua circumstantia etsi praxis non impeditur,  
 tamen eiusmodi lineæ curuæ, quarum longitudo statim ipsa  
 sine adiuncta alia quantitate quaesitum præbet, illis non  
 immerito anteferri solent. Hancobrem non abs re erit  
 eiusmodi curuam algebraicam assignare, quæ ipsa, vti  
 curua illa Varignonii transcendens, sine assumpta alia quan-  
 titate

titate superficiei conicae portionem quamvis metiatur. Cum igitur portio EVM exprimatur hac formula  $\frac{1}{2} a \int \frac{dz \sqrt{(bb+(cz-a)^2)}}{\sqrt{(1-zz)}}$ , curua algebraica inuestigari debet cuius elementum fit  $= \frac{dz \sqrt{(bb+(cz-a)^2)}}{b \sqrt{(1-zz)}}$ . Huius enim curvae si arcus quantitati  $z$  respondens ponatur  $=s$ , erit superficiei conicae portio EVM  $=\frac{1}{2} a b s$ .

§. 10. Sint coordinatae huius curuae quaesitae  $x$  et  $y$ , quae cum per functiones algebraicas ipsius  $z$  exprimi debeant, statuatur  $dx = \frac{dz(m+kz)}{\sqrt{(1-z)}}$  et  $dy = \frac{dz(n+kz)}{\sqrt{(1+z)}}$  sic enim sumtis integralibus fiet

$$x = 2m + \frac{4}{3}k - (2m + \frac{4}{3}k + \frac{2}{3}kz) \sqrt{(1-z)}$$

$$y = -2n + \frac{4}{3}k + (2n - \frac{4}{3}k + \frac{2}{3}kz) \sqrt{(1+z)}$$

Eiusmodi constantibus adiectis, ut posito  $z=0$ , quod euenit in puncto E, ambae coordinatae  $x$  et  $y$  euanescent. Hinc elicietur ista aequatio:

$$\left. \begin{aligned} +xx - 4mx - \frac{8}{3}kx \\ +yy + 4ny - \frac{8}{3}ky \end{aligned} \right\} = \left\{ \begin{aligned} 4(n-m)(n+m)z + \frac{8}{3}(n-m)kz \\ - \frac{8}{3}(n+m)kz - \frac{8}{3}kkz \end{aligned} \right.$$

Vnde valor ipsius  $z$  per  $x$  et  $y$  facile definitur, qui in altera aequatione substitutus dabit aequationem algebraicam inter  $x$  et  $y$ , qua natura curuae quaesitae continebitur.

§. 11. Cum iam fit  $dx = \frac{(m+kz)dz}{\sqrt{(1-z)}}$  et  $dy = \frac{(n+kz)dz}{\sqrt{(1+z)}}$  fiet huius curuae elementum:

$$\sqrt{(dx^2 + dy^2)} = dz \sqrt{\left( \frac{m^2 + 2mkz + k^2zz}{1-z} + \frac{n^2 + 2nkz + k^2zz}{1+z} \right)}$$

$$\text{seu } \sqrt{(dx^2 + dy^2)} = \frac{dz \sqrt{\left( \begin{aligned} +nn - nnz + 2nkz - 2kz^2 \\ +mm + mmz + 2mkz + mkz^2 + 2k^2z^2 \end{aligned} \right)}}{\sqrt{(1-zz)}}$$

Quod aequale ponatur formae  $\frac{dz \sqrt{(aa+bb-2acz+ccz^2)}}{b \sqrt{(1-zz)}}$

prodibuntque ex comparatione terminorum homogeneorum

hae aequationes.

$$aa + bb = (nn + mm)bb$$

$$2ac = (n-m)(n+m)bb - 2(n+m)kbb$$

$$cc = 2k^2b^2 - 2(n-m)kbb$$

Ex harum vltima fit  $n - m = k - \frac{cc}{2kbb} = \frac{2kbb - cc}{2kbb}$  qui valor in secunda substitutus dat:

$$2ac = -\frac{(n+m)(2kbb + cc)}{2k}$$

ergo erit  $n + m = \frac{-4ack}{2kbb + cc}$ . Cum ergo sit:

$$n - m = \frac{2kbb - cc}{2kbb}$$

ex his aequationibus ambae litterae  $m$  et  $n$  definiuntur.

§. 12. Superest ergo vt tertia incognita  $k$  per primam aequationem definiatur. Cum autem quarta incognita  $b$  maneat indeterminata, ei pro lubitu valor assignari poterit, statuamus ergo  $bb = \frac{cc}{2kk}$ , vt euadat  $n - m = 0$ : eritque  $n + m = -\frac{2ak}{c}$ , ac propterea  $m = n = -\frac{ak}{c}$ , vnde facta in prima aequatione substitutione etiam incognita  $k$  ex calculo egreditur. Fieri ergo nequit  $m = n$ . Quocirca statuamus  $2kbb = gcc$  seu  $bb = \frac{gcc}{2kk}$

eritque  $n - m = \frac{(g-1)k}{g}$  et  $n + m = \frac{-4ak}{(g+1)c}$ . Vnde fit

$$n = \frac{(g-1)k}{2g} - \frac{2ak}{(g+1)c} = \frac{(gg-1)ck - 4agk}{2g(g+1)c} \text{ et } m = \frac{-2ak}{(g+1)c} - \frac{(g-1)k}{2g} = \frac{-4cgh - (gg-1)ck}{2g(g+1)c}$$

$$\frac{(g-1)k}{2g} = \frac{-4cgh - (gg-1)ck}{2g(g+1)c}$$

§. 13. Ex his valoribus nunc obtinebitur:

$$mm + nn = \frac{16aaggkk + (gg-1)^2cck}{2gg(g+1)^2cc}$$

Hinc ex prima aequatione  $aa + bb = (nn + mm)bb$

$$\text{fiet } aa + bb = \frac{16aagg + (gg-1)^2cc}{4g(g+1)^2}$$

fit



fit  $aa + bb = ee$ , haecque aequatio euoluta dabit:

$$ccg^4 - 4eeeg^3 - 2ccgg - 4eeeg + cc = 0$$

$$+ 16aagg$$

$$- 8eeeg$$

ex qua valorem ipsius  $g$  quaeri oportet.

§. 14. Quanquam haec aequatio est quarti ordinis, tamen quia non mutatur, si loco  $g$  ponatur  $\frac{1}{g}$ , ea ad resolutionem aequationis quadratae reuocari potest. Fingantur eius factores  $cgg - 2pg + c = 0$  et  $cgg - 2qg + c = 0$  et productum illi aequationi aequale efficiatur.

Erit autem hoc productum:

$$ccg^4 - 2cpg^3 + 2ccgg - 2cpg + cc = 0$$

$$- 2cqq^3 + 4pqgg - 2cqq$$

Quae forma cum aequatione inuenta comparata dabit:

$$p + q = \frac{2ee}{c} \text{ et } pq = 4aa - 2ee - cc$$

unde fit:  $(p - q)^2 = \frac{4e^4}{c^2} - 16aa + 4ee + 4cc$

et  $p - q = \frac{2}{c} \sqrt{(e^4 - 4aacc + 2ccee + c^4)}$ . Consequenter

$$p = \frac{ee + \sqrt{(e^4 - 4aacc + 2ccee + c^4)}}{c} \text{ et}$$

$$q = \frac{ee - \sqrt{(e^4 - 4aacc + 2ccee + c^4)}}{c}$$

§. 15. Inuentis nunc  $p$  et  $q$  ex aequationibus superioribus valores ipsius  $g$  ita definientur vt fit

$g = \frac{p \pm \sqrt{(pp - cc)}}{c}$  et  $g = \frac{q \pm \sqrt{(qq - cc)}}{c}$ . Cumigitur nunc quatuor valores pro quantitate  $g$  inuenerimus, habebimus primo

$hb = \frac{g^2 cc}{gk}$  seu sumpta quantitate  $b$  pro arbitrio erit  $k = \frac{g}{b} \sqrt{\frac{1}{g}}$ ; vnde porro inueniuntur.

$$m = \frac{-(g-1)k}{2g} - \frac{2ak}{(g+1)c}$$

$$n = \frac{+(g-1)k}{2g} - \frac{2ak}{(g+1)c}$$

B 2

Hx

12 DE SUPERFICIE CONOR. SCALENOR.

Ex cognitis denique valoribus litterarum  $m$ ,  $n$ , et  $k$  curua quaesita per coordinatus  $x$  et  $y$  supra exhibitas algebraice describetur, quo facto si eius arcus quantitati  $z$  respondens dicatur  $=s$ , erit superficiei conicae portio  $EVM = \frac{1}{2}abs$ .

§. 16. Vt exemplum praebeamus, faciat axis coni VC cum basi angulum  $60^\circ$ , incidatque perpendicularum VD in peripheriam, basis erit  $CD=CA$  et propterea  $c=a$ ; porro erit  $CV=f=2a$  et  $bb=3aa$  vnde fit  $ee=4aa$  atque  $p = a(4 + \sqrt{21})$  et  $q = a(4 - \sqrt{21})$ . Hinc fit  $g = 4 + \sqrt{21} + 2\sqrt{9 + 2\sqrt{21}}$ , quia duo reliqui valores fiunt imaginarii. Erit ergo

$$\sqrt{\frac{1}{2}}g = \frac{1}{4}\sqrt{14} + \frac{1}{4}\sqrt{6} + \frac{1}{2}\sqrt{3 + \sqrt{21}}$$

fit  $b=1$  erit  $k = \frac{a}{4}(\sqrt{14} + \sqrt{6} + 2\sqrt{3 + \sqrt{21}})$ .

Hinc porro irrationalibus debite reductis inuenitur

$$m = \frac{a}{4}(\sqrt{6} - \sqrt{14} - 2\sqrt{3 + \sqrt{21}}) \text{ et}$$

$$n = \frac{a}{4}(\sqrt{6} - \sqrt{14} - 2\sqrt{3 + \sqrt{21}}).$$

quibus valoribus inuentis describatur curua inter coordinatas  $x$  et  $y$  ita, vt fit

$$x = \frac{1}{4}k + 2m - (2m + \frac{1}{4}k + \frac{2}{3}kz)\sqrt{1-z}$$

$$y = \frac{1}{4}k - 2n + (2n - \frac{1}{4}k + \frac{2}{3}kz)\sqrt{1+z}.$$

Cuius curuae si arcus sinui anguli ECM, qui est  $=z$  respondens ponatur  $=s$  erit superficiei conicae portio  $EVM = \frac{1}{2}as$ .

§. 17. Expeditis conis scalenis, qui cum bases habeant circulares, perpendicularum ex vertice in planum basis demissum extra eius centrum cadit, nunc conos quoscunque considerabo, qui formantur, dum linea recta per verticem perpetuo transiens circa lineam quamcunque circumducitur. Sit igitur

igitur figura quaecunque AM basis huiusmodi coni, et punctum V in sublimi positum eius vertex, vnde in basin demittatur perpendicularum VD. Ex D ad punctum curvae AM quodcunque M ducatur recta DM, et in M ducatur recta tangens curvam MQ, in quam D perpendicularum demittatur DQ: et cum basis cognita ponatur, relatio assignari poterit inter DM et DQ. Sit igitur  $DM = x$ ,  $DQ = y$ , atque habebitur aequatio inter  $x$  et  $y$ . Ponatur praeterea huius coni altitudo  $VD = b$ , sumto autem huius curvae elemento  $Mm$ ; si ducatur  $Dm$  et ex M in  $Dm$  perpendicularum demittatur  $Mn$ , erit  $mn = dx$ , et ob  $MQ = \sqrt{xx - yy}$  similitudo triangulorum  $DMQ$ ,  $Mmn$  dabit  $Mn = \frac{y dx}{\sqrt{xx - yy}}$  et  $Mm = \frac{x dx}{\sqrt{xx - yy}}$ .

§. 18. His praemissis si in peripheria basis punctum fixum A tanquam principium assumatur. Superficies conicae portio AVM erit integrale trianguli elementaris  $MVm$ . Ad areolam ergo huius trianguli exprimendam, iungatur recta VQ, quae in tangentem MQ erit normalis, ac propterea area trianguli  $MVm$  fiet  $= \frac{1}{2} Mm \cdot VQ$ . Est vero ob triangulum VDQ ad D rectangulum,  $VQ = \sqrt{bb + yy}$  vnde cum sit  $Mm = \frac{x dx}{\sqrt{xx - yy}}$  habebitur area trianguli elementaris  $MVm = \frac{x dx \sqrt{bb + yy}}{2 \sqrt{xx - yy}}$ . Atque hinc erit superficiae conicae portio quaesita AV  $M = \frac{1}{2} \int \frac{x dx \sqrt{bb + yy}}{\sqrt{xx - yy}}$ .

§. 19. Maxime naturalis via hanc superficiem exprimendi est, vt ea in planum explicetur. Concipiatur igitur conus charta superductus, quae secundum rectas AV et MV et basin AM excissa in planum explicetur Fig. 3.

B 3

VAM

VAM; haecque figura mixtilinea VAM aequalis erit  
 portioni superficiei conicae  $AVM = \frac{1}{2} \int \frac{x dx \sqrt{(bb+yy)}}{\sqrt{(xx-yy)}}$ . Hu-  
 ius figurae explicatae ducatur in M tangens MQ, et in  
 eam ex V demittatur perpendicularum VQ. Cum igitur  
 hoc triangulum VMQ simile et aequale fit triangulo V  
 MQ in fig. 2. erit  $VM = \sqrt{(bb+xx)}$   $VQ = \sqrt{(bb$   
 $+yy)}$  et  $MQ = \sqrt{(xx-yy)}$ . Constituto autem trian-  
 gulo elementari MVm, ductaque Mr ad Vm perpendi-  
 culari, erit vt ante  $Mm = \frac{x dx}{\sqrt{(xx-yy)}}$ , at  $mr = \frac{x dx}{\sqrt{(bb+xx)}}$ ,  
 et  $Mr = \frac{x dx \sqrt{(bb+yy)}}{\sqrt{(bb+xx)(xx-yy)}}$ .

§. 20. Inquiramus nunc in constructionem huius cur-  
 vae ex data basi coni in fig. 2. Ponamus in hunc finem  
 angulum  $AVM = v$  et distantiam  $VM = z$ , erit statim  
 $z = \sqrt{(bb+xx)}$ . Tum vero erit  $dv = \frac{Mr}{VM} =$   
 $\frac{x dx \sqrt{(bb+yy)}}{(bb+xx)\sqrt{(xx-yy)}}$ . Vocemus simili modo in fig. 2. an-  
 gulum  $ADM = u$  erit  $du = \frac{Mn}{DM} = \frac{y dx}{x \sqrt{(xx-yy)}}$ ; Hinc fit  
 $x^2 du^2 - xxyy du^2 = y^2 dx^2$  et  $y^2 = \frac{x^2 du^2}{dx^2 + x^2 du^2}$  ideoque erit  
 $\sqrt{(bb+yy)} = \frac{\sqrt{(bbdx^2 + (bb+xx)x^2 du^2)}}{\sqrt{(dx^2 + x^2 du^2)}}$  et  $\sqrt{(xx-yy)} =$   
 $\frac{x dx}{\sqrt{(dx^2 + x^2 du^2)}}$ : vnde oritur  $dv = \frac{\sqrt{(bbdx^2 + (bb+xx)x^2 du^2)}}{bv+xx}$ .  
 Quia igitur vel  $u$  vel  $y$  per  $x$  datur, inueniri poterit  
 angulus  $v$ , quo cognito curua AM circa V in plano de-  
 scribetur, cuius area AVM aequalis erit superficiei conicae  
 quaesitae.

§. 21. Quoniam assignatio superficiei conicae pen-  
 det ab integratione formulae  $\int \frac{x dx \sqrt{(bb+yy)}}{\sqrt{(xx-yy)}}$ , hoc negotium  
 tam per quadraturas quam rectificationes curuarum alge-  
 braicarum innumerabilibus modis facile expediri potest.

Vt autem constructionem Leibnizianam, quae est elegantissima, emendemus, peculiari modo nobis erit procedendum. Perspicuum autem est Virum summum suam constructionem ex consideratione rectarum ad datam curvam sub angulis quibuscunque ductarum deduxisse; hae enim rectae suis concursibus formant nouam curuam, cuius rectificatio tam simpliciter exprimitur, vt quaeuis quadratura eo facile reducat. Atque ex hoc ipso fonte Celeb. Hermannus methodum suam ingeniosissimam quadraturas curuarum quascunque ad rectificationes curuarum algebraicarum reducendi haufit, quam methodum postea Celeb. Ioh. Bernoulli ex geometria in analyfin puram translata dilucide proposuit.

§. 22. Sumamus pro curua data  $AM$  illam ipsam figuram, quae ante basin coni constituerat, atque in eius singulis punctis  $M m$  in datis cum hac curua angulis ductae concipiantur rectae  $MS, ms$  quae suis contactibus forment nouam curuam  $FSs$ ; per cuius rectificationem superficiem conicam exprimi oporteat. Ponatur arcus curuae cognitae  $AM = s$ . fitque angulus  $SMm = v$ , quem recta  $SM$  cum curua  $AM$  in puncto  $M$  constituit, et sumto elemento  $Mm = ds$ , erit angulus  $smN = v + dv$ . Quo hinc concursus rectarum  $MS$  et  $ms$  seu punctum  $S$  determinetur, consideretur centrum circuli osculatoris in  $Mm$ , quod fit in  $R$ , et vocetur radius osculi  $MR = mR = r$ , erit angulus  $MRm = \frac{ds}{r}$ : atque ob rectas  $RM, Rm$  ad curuam  $AM$  normales, erit angulus  $RMS = 90^\circ - v$  et angulus  $Rms = 90^\circ - v - dv$ . Vnde cum fit  $RoS = MRm + RMS = MSm + Rms$ , fiet ang.  $MSm = MR$

$m +$

$m + RMS - Rms = \frac{ds}{r} + dv$ . Nunc in triangulo MS  
 $m$  ob datos angulos et latisculum  $Mm = ds$ , fiet  $\frac{ds}{r} +$   
 $dv$ ;  $ds = \sin. v : mS$  vel  $MS$ , eritque igitur  $MS = \frac{r ds \sin. v}{ds + r dv}$ ;  
 ex qua formula constructio curvae FS consequitur.

§. 23. Ponatur haec recta  $MS = z$ , vt fit  $z =$   
 $\frac{r ds \sin. v}{ds + r dv}$ ; eritque  $ms = z + dz$ . Ex  $m$  in  $MS$  ducatur  
 normalis  $mk$ , ob angulum  $mMk = v$ , erit  $mk = ds \sin.$   
 $v$  et  $Mk = ds \cos. v$ . Cum igitur fit  $Ss = ms - ks =$   
 $ms - MS + Mk$ , fiet  $Ss = ds \cos. v + dz$ . At est  $Ss$   
 elementum curvae FS, ex quo erit longitudo huius cur-  
 vae  $FS = \int ds \cos. v + z + \text{Const.}$  Ad hanc constantem  
 definiendam respondeat curvae FS, punctum F curvae da-  
 tae AM puncto A, ita vt recta AF fit tangens curvae  
 quaesitae FS in puncto F. Hinc cum fit  $MS = z$ , pro-  
 dicit  $FS = \int ds \cos. v + MS - AF$ , si quidem integrale  
 $\int ds \cos. v$  ita capiatur, vt euanescat posito  $s = 0$ . Quo facto  
 vicissim integrale formulae  $\int ds \cos. v$  per rectificationem cur-  
 vae FS exhiberi poterit, erit scilicet  $\int ds \cos. v = FS +$   
 $AF - MS$ .

§. 24. His praemissis fit D vestigium verticis co-  
 ni in plano basis, seu punctum, in quod perpendicularum  
 ex vertice coni in planum basis demissum incidit, cuius  
 perpendiculari altitudo VD supra posita est  $= b$ . Ducta  
 porro ad M tangente MQ, in eamque ex D demisso  
 perpendicularo DQ, vocauimus DM  $= x$  et DQ  $= y$ , erat-  
 que elementum  $Mm = \frac{x dx}{\sqrt{(xx - yy)}}$ , quod nunc appellamus  
 $= ds$ . Quare cum inuenerimus superficiem conicam ar-  
 cui basis AM respondentem  $= \frac{1}{2} \int \frac{x dx \sqrt{(bb + yy)}}{\sqrt{(xx - yy)}}$ , erit ista  
 super-

superficies  $= \frac{1}{2} \int ds \sqrt{(bb+yy)}$ . Quo igitur haec superficies per rectificationem curvae FS exprimatur, angulus  $v$  vbique ita constitui debet, vt formulae  $\int ds \cos v$  integratio ad integrationem formulae  $\int ds \sqrt{(bb+yy)}$  perducat.

§. 25. Ponamus in hunc finem  $\cos v = \frac{\sqrt{(bb+yy)}}{k}$ : et cum cosinus ipsius  $v$  ultra radii magnitudinem, quam unitate metimur nunquam excrefcere possit, quantitas  $k$  tanta assumi debet, vt  $\sqrt{(bb+yy)}$  eam nunquam superare queat. Quare notetur maximus valor, quem formula  $\sqrt{(bb+yy)}$  vsquam in cono induere potest, eique  $k$  vel aequalis vel etiam maior assumatur. Hoc igitur modo .si angulus  $v$  fuerit definitus, obtinebitur superficies conica arcui basis AM insiftens  $\frac{1}{2} \int ds \sqrt{(bb+yy)} = \frac{1}{2} k \int ds \cos v$ ; ideoque exprimetur rectangulo  $\frac{1}{2} k (FS + AF - MS)$  si scilicet rectae MS vbique ita constituantur, vt fit  $\cos SMm = \frac{\sqrt{(bb+yy)}}{k}$  seu  $\sin RMS = \frac{\sqrt{(bb+yy)}}{k}$  hincque construatur curua FS, rectanguli  $\frac{1}{2} k (AF + FS - MS)$  area aequabitur superficiei conicae quaesitae, quae igitur per rectificationem curvae algebraicae FS exhibebitur. Cum enim vbique tam angulus RMS quam longitudo MS algebraice assignari queant, ipsa curua FS erit algebraica.

§. 26. Sumto autem  $\cos v = \frac{\sqrt{(bb+yy)}}{k}$  erit  $\sin v = \frac{\sqrt{(kk-bb-yy)}}{k}$  et differentiando  $d \cos v = \frac{-yky}{k \sqrt{(kk-bb-yy)}}$   
 $= \frac{-ydy}{k \sin v}$ . vnde fit  $dv = \frac{-ydy}{k \sin v \cos v}$ . Cum autem natura curvae AM aequatione inter variables  $DM = x$  et  $DQ = y$  exprimatur, erit radius osculi  $MR = r = \frac{x dx}{dy} =$   
 Tom. I. C  $ds \sqrt{}$

$\frac{ds\sqrt{xx-yy}}{dy}$ , vnde fit  $dy = \frac{ds\sqrt{xx-yy}}{r}$  ideoque  $dv = \frac{-yds\sqrt{xx-yy}}{kkr \sin.v \cos.v}$ . Quia ergo supra inuenimus  $MS = z = \frac{r ds \sin.v}{ds + r dv}$ , nunc habebimus  $MS = z = \frac{r kkr \sin.v^2 \cos.v}{kk \sin.v \cos.v + y\sqrt{xx-yy}}$   
 Quam expressionem sequenti modo geometricè construere conabimur.

Fig. 4. et 5.

§. 27. Sit iterum curua AM basis conì, D vestigium verticis, et M punctum huius curuae quodcunque in quo ducatur tangens MQ et normalis MK. Ductaque re-cta DM ex D in tangentem demittatur perpendiculum DQ, simulque tangenti agatur recta indefinita DC, in qua capiatur DC = altitudini conì = b, ductaque CQ erit  $CQ = \sqrt{bb + yy}$ . Tum in normali ad curuam capiatur MK = k, super qua tanquam diametro descripto semicirculo KPM applicetur chorda KP = CQ, si ducatur MP, erit sinus anguli KMP =  $\frac{KP}{k} = \cos.v$ , vnde re-cta MP erit positio rectae MS, sumatur in normali ad curuam MR = r, et cum fit DQ = y, et MQ =  $\sqrt{xx - yy}$ , fiet  $MS = \frac{MK \cdot MR \sin.v}{MK - DQ \cdot MQ \cdot MK \sin.v \cos.v}$  seu  $MS = \frac{MK \cos.v \cdot MR \sin.v}{MK \cos.v - DQ \cdot MQ \cdot MK \sin.v}$ . Cum vero fit MK cos. v = KP et M K sin. v = MP, ex R in MP demittatur perpendiculum RT, et erit MR sin. v = MT fietque  $MS = \frac{KP \cdot MT}{KP - DQ \cdot MQ \cdot MP}$ . Capiatur  $PX = \frac{DQ \cdot MQ}{MP}$ , erit  $MS = \frac{KP \cdot MT}{KX}$ , vnde longitudo rectae MS facile definitur. Quae operatio si in singulis punctis M instituat, singula puncta S determinabunt curuam quaesitam FS; qua inuenta erit portio superficiei conicae arcui AM insistentis aequalis areae parallelogrammi rectanguli  $\frac{1}{2} MK(AF + FS - MS)$ .

§. 28.



§. 28. Si curva  $AM$  statuatur circulus, extra cuius centrum cadat punctum  $D$ , ut conus abeat in conum scalenum ordinarium qualem primo sumus contemplati, atque curva  $FS$  secundum præcepta hic data construatur, tum eadem prodibit curva, quam Illust. Leibnizius loco supra allegato inuenire docuit. Ex quo manifestum est non ipsam hanc curuam  $FS$  in rectam elongatam, si in rectam quampiam constantem ducatur, præbere superficiem conicam quaesitam, sed arcum illum  $FS$  recta  $AF$  auctum longitudine rectæ  $MS$  minui debere. Hoc ergo modo non solum constructionem Leibnizianam, quæ tantum ad conos scalenos erat accommodata, emendauimus, sed etiam ad conos, quorum bases sunt figuræ quaecunque extendimus.

